



22.04.2024

UPA2024/133

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nakorsat namminersortutut nunatsinni aallartitsisinnaangornissaat anguniarlugu Naalakkersuisut inatsisiliornissamik peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Doris Jakobsen Jensen, Siumut)

Siumuminngaaniit Inatsisartuni ilaasortaq Doris Jakobsen Jensen, Siumuminngaaneersoq siunnersuutaa imaattoq Nakorsat namminersortutut nunatsinni aallartitsisinnaangornissaat anguniarlugu Naalakkersuisut inatsisiliornissamik peqquneqarnissaannik Inatsisartut aalajangiiffigisassaattut siunnersuut. Imaattumik oqaaseqarfigissavarput.

Siumuminngaaniit siunnersuuteqartoq siunnersuutaanut pingaartitsisugut oqaatigissuarput.

Siumup anguniartuarpaa peqqinnissaqarfimmi nakorsat innuttaasunik sullissisinaanerat pitsaanerpaamiittuassasoq. Taamaammat siumuminngaaniit paasinnittuarpugut siunnersuuteqartup oqariartuutigisaa nakornanik namminersortunngorsaaneq nunatsinni siuarsassallugu inatsisitigut pitsaasumit inatsisartut tunaarneqarnissaat isumannaarinissaannillu oqariartuutigisaqarnerannut. Inatsisitsigummi nakorsat namminersortutut sulilernerminni illersorneqartuarnissaat siumuminngaaniit pingaartutut isigilluinnarparput.

Inatsisigummi pitsaasunik nunatsinni tunaartaqarluta nakorsat namminersortunngorusullutik sulerusuttut nalornissuteqarnatik sulilersinnaanissaannut aqqustissieqataanissarput siumuminngaaniit nalornissutigiginagu alloriaqqinnissarput oqaatigerusupparput.

Ullutsinnimi pissutsit nunatsinni qiviarutsigit kalaallit nunatsinni peqqinnissaqarfitta iluani nakorsassaaleqinerput ilungersunartumik inissisimamera tamatsinnut ilungersunartuusooq oqaatigerusupparput. Taamaammat nakorsat namminersortutut ingerlarusuttut peqqinnissaqarfitta iluani suleqatigalugit aporfilersornagit aqqustissieqatigiinnissatsinnut suleqatigiissutigisariaqarparput. Soorlumi siunnersuuteqartup eqqaagaa nakorsatut namminersortunngorusukkaluarluni aporfilersorneqartoq saqqummiisimasooq tusaripput. Kiisalu aamma nakorsangorniartut nunani allani inatsisitigut isumannaarneqartartut taakkartuinermini eqqaagaa.

Naalakkersuisut oqariartuutigisaa siumuminngaaniit tusaavagut paasinnillutalu. Taamaakkaluartoq siumuminngaaniit pingaartipparput inatsisitigut tamakkiisumik



nalorninaatsumillu isumannaarinissaq inissaminiissasoq oqariartuutigissuarput. Naalagaaffinngornissatsinnut qularnaatsumik inatsiseqarnissarput siumuminngaanniit qulakkeeqataarusogigatsigu.

Siumuminngaaniit ataatsimiititaliami eqqartorluarlugu sammineqarnissaa kissaatigivarput. Uanimi aamma eqqaarusupparput naalakkersusuisut misissuinissaminnik oqariartornerat ataatsimiititaliamut ingerlanneqarneranik misissorluarneqarumaartoq kissaatigissavarput. Naggataatigullu aamma siumumiit oqaatigissavarput allannguutissatut siunnersuuteqartoqassappat ammaffigigatsigu ataatsimiititaliami paasisat aallaavigalugit.

Taamatut naatsumik siumuminngaaniit oqaaseqarluta Inatsisartuni ilaasortaq Doris Jakobsen Jensen, Siumut siunnersuutaa ilalerlugu aappassaaneertigani ilaqutariinnermut peqqissutsimullu ataatsimiititaliamut ingerlateqqipparput.

Mala Høy Kúko

Siumut